



სსიპ „თვითმმართველი თემი საჩხერის მუნიციპალიტეტი“

ელექტრონული ტენდერის საშუალებით ქ. საჩხერეში სამუსიკო-სამხატვრო სკოლის დემონტაჟისა და ახლის მშენებლობის სამუშაოების (მეორე ეტაპი) (CPV 45200000) შესყიდვის სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონისა და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის # 9 ბრძანების საფუძველზე

ქ.საჩხერე 2016 წელი

სარჩევი:

1. ინსტრუქცია ტენდერში მონაწილეთათვის -----	3
2. ტექნიკური მოთხოვნები -----	3
3. საკვალიფიკაციო მოთხოვნები -----	4
4. ფასის გაანგარიშების წესი და ანგარიშსწორების პირობები -----	4
5. ინფორმაცია ხელშეკრულების უზრუნველყოფის გარანტიაზე -----	5
6. შესყიდვის ობიექტი -----	6
7. მომსახურების მიწოდების ვადები და ადგილი -----	6
8. დამატებითი ინფორმაცია -----	7
9. ხელშეკრულების პროექტი -----	8
10. ფასების ცხრილი (დანართი#1) -----	
11. (დანართი#2) -----	15
12. (დანართი#3) -----	16
13. (დანართი#4) -----	17
14. (დანართი#5) -----	18

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების შესაბამისად.

1.2 ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 ტექნიკური დოკუმენტაციის განხილვისას უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

2. ტექნიკური მოთხოვნები:

2.1 ტექნიკური დოკუმენტაცია:

- ორგანიზაციული სამართლებრივი ფორმა და დასახელება;
- ხელმძღვანელობაზე/წარმომადგენლობაზე უფლებამოსილი პირის სახელი და გვარი;
- იურიდიული და ფაქტიური მისამართი;
- საბანკო რეკვიზიტები;
- ბანკის დასახელება და კოდი;
- საიდენტიფიკაციო კოდი;
- ანგარიშსწორების ანგარიში;
- საკონტაქტო ინფორმაცია: ტელეფონი, ელექტრონული ფოსტა.

2.2 ინფორმაცია სამუშაოს შესრულების ვადების შესახებ.შესაბამისი გეგმა-გრაფიკის წარმოდგენით.

2.3 ინფორმაცია ანალოგიური სამუშაოების შესრულების გამოცდილების შესახებ; პრეტენდენტს 2012 წლის 1 იანვრიდან ტენდერის გამოცხადების თარიღამდე, ჯამურად შესრულებული უნდა ჰქონდეს არანაკლებ შესყიდვის სავარაუდო ღირებულების ანალოგიური სამშენებლო სამუშაოები, აღნიშნულის დადასტურება უნდა მოხდეს ხელშეკრულებების და მათი მიღება ჩაბარების აქტების სისტემაში წარდგენით (დანართი#3).

2.5 ინფორმაცია შესრულებული სამუშაოების სრულფასოვანი ფუნქციონირების შესახებ; შესრულებული სამუშაოს სრულფასოვანი ფუნქციონირების საგარანტიო ვადათ განისაზღვრება 5 (ხუთ) წელი, რომლის განმავლობაშიც „მიმწოდებელი“ ვალდებულია საკუთარი ხარჯებით უზრუნველყოს ექსპლოატაციის პროცესში წარმოქმნილი ხარვეზების აღმოფხვრა. აღნიშნული არ გულისხმობს საანგარიშო პერიოდში დაზიანების აღდგენას, თუ დაზიანება გამოწვეული იქნება დაუძლეველი ძალის ზეგავლენით.

2.6 ფასების ცხრილი დანართი #1, #2 და #3-ის შესაბამისად

პრეტენდენტის მიერ წარმოდგენილი სატენდერო წინადადება და ფასების ცხრილი ხელმოწერილი უნდა იყოს უფლებამოსილი პირის მიერ.

შენიშვნა:

- ა) გამარჯვებული პრეტენდენტი ვალდებულია თავდაპირველად შეთავაზებული ფასის ცვლილების შემთხვევაში ხელშეკრულების გაფორმებამდე წარმოადგინოს ასევე მის მიერ საბოლოოდ დაფიქსირებული ფასის შესაბამისი ფასების ცხრილი, რომელიც იქნება ხელშეკრულების განუყოფელი ნაწილი
- ბ) მომსახურების ღირებულებაში შედის კანონმდებლობით გათვალისწინებული ყველა გადასახადი,
- გ) გათვალისწინებული ხარჯები გამოიყენება მხოლოდ შემსყიდველთან შეთანხმებით

3. საკვალიფიკაციო მოთხოვნები:

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

3.1 იურიდიული პირისათვის:

- ა) ცნობა საქართველოს საჯარო რეესტრის ეროვნული სააგენტოდან, საჯარო-სამართლებრივი შეზღუდვის არ არსებობის შესახებ.
- ბ) ამონაწერი მეწარმეთა და არასამეწარმეო (არაკომერციული) იურიდიულ პირების რეესტრიდან.

3.2 ფიზიკური პირისათვის:

- ა) ცნობა საქართველოს საჯარო რეესტრის ეროვნული სააგენტოდან, საჯარო სამართლებრივი შეზღუდვის არ არსებობის შესახებ.
- ბ) პირადობის მოწმობის ან პასპორტის ასლი

3.3 საკვალიფიკაციო მონაცემების წარმოდგენა:

- ა) საკვალიფიკაციო მონაცემების დამადასტურებელი დოკუმენტები გაცემული უნდა იყოს „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“, სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების მე-2 მუხლის პირველი პუნქტის „ლ.“ ქვეპუნქტით გათვალისწინებული ეტაპის დაწყების შემდეგ (წინადადების მიღება დაწყებულია)

4. ფასის გაანგარიშების წესი და ანგარიშსწორების პირობები;

4.1 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით განსაზღვრული, შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

4.2 ანგარიშსწორება მოხდება უნაღდო ფორმით, ლარში.

4.3 ანგარიშსწორება მოხდება მიღება-ჩაბარების აქტის, სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული ექსპერტიზის დადებითი დასკვნის (ექსპერტიზის ჩატარების ხარჯებს იხდის მიმწოდებელი),

ანგარიშგაქტურისა და სხვა სათანადო საბუთების წარდგენიდან 15 სამუშაო დღის განმავლობაში. მიმწოდებელი ვალდებულია წარმოადგინოს სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული ექსპერტიზის დასკვნა, შესრულებული სამუშაოს ხარისხზე მოცულობასა და შესაბამის ღირებულებაზე, ასევე შუალედური გადახდები იწარმოებს შესაბამისად შუალედური (ფაქტიურად შესრულებული სამუშაოს) მიღება ჩაბარების აქტების ანგარიშგაქტურებისა და შესაბამისი კომისიის დადებითი დასკვნის შემდგომ 15 სამუშაო დღის განმავლობაში შუალედურ აქტში დაფიქსირებული თანხით, შუალედური აქტებით თანხის გადახდა მოხდება ხელშეკრულების ღირებულების არაუმეტეს 70%-ისა.

4.4 ალტერნატიული სატენდერო წინადადება არ განიხილება.

5. წინასწარი ანგარიშსწორება (ავანსი)

შესაძლებელია საავანსო გადახდა ხელშეკრულების ღირებულების შესაბამისი თანხის 10% ოდენობით, საბანკო გარანტიის წარმოდგენის შემთხვევაში რომელიც 30 კალენდარული დღით უნდა აღემატებოდეს სამუშაოების დასრულების თარიღს (**საბანკო გარანტია გაცემული უნდა იყოს საბანკო დაწესებულების მიერ**)

6. გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ „სახელმწიფო შესყიდვების სააგენტოს თავმჯდომარის 2011 წლის 7 აპრილის #9 ბრძანების მე-11 მუხლის 2¹ პუნქტის საფუძველზე, იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, შემსყიდველის მიერ განსაზღვრულ ვადაში უნდა წარმოადგინოს/ატვირთოს მის მიერ ნაჩვენები საბოლოო ფასის შესაბამისად განფასებული ხარჯთაღრიცხვის საექსპერტო დასკვნა .

7. ხელშეკრულების უზრუნველყოფის გარანტია.

ხელშეკრულების შესრულების უზრუნველყოფის მიზნით გამარჯვებულმა პრეტენდენტმა უნდა წარმოადგინოს ხელშეკრულების უზრუნველყოფის საბანკო გარანტია, სახელშეკრულებო ღირებულების 5% (ხუთი) ოდენობით. ხოლო იმ შემთხვევაში თუ ტენდერში ელექტრონული ვაჭრობის შედეგად გამარჯვებული პრეტენდენტის მიერ დაფიქსირებული იქნება ტენდერის სავარაუდო ღირებულებასთან შედარებით 20%-ზე მეტით დაბალი საბოლოო ფასი პრეტენდენტმა უნდა წარმოადგინოს ხელშეკრულების უზრუნველყოფის საბანკო გარანტია სახელშეკრულებო ღირებულების 10 % (ათი) ოდენობით, აღნიშნული საბანკო გარანტია წარმოდგენილი უნდა იქნას შესაბამისი ხელშეკრულების გაფორმებამდე, რომელიც ერთი თვით უნდა აღემატებოდეს ხელშეკრულების დასრულების თარიღს. (**საბანკო გარანტია გაცემული უნდა იყოს საბანკო დაწესებულების მიერ**) იმ შემთხვევაში თუ პრეტენდენტის მიერ საბოლოოდ დაფიქსირებული ფასი ნაკლები იქნება 200 ათას ლარზე ხელშეკრულების უზრუნველყოფის გარანტია არ იქნება მოთხოვნილი.

8. შესყიდვის ობიექტს წარმოადგენს:

შესყიდვის ობიექტს წარმოადგენს; ქ. საჩხერეში სამუსიკო-სამხატვრო სკოლის დემონტაჟისა და ახლის მშენებლობის სამუშაოების (მეორე ეტაპი) შესყიდვის სატენდერო წინადადებაზე თანდართული პროექტისა და დანართ#1-ის შესაბამისად.

9. მიწოდების განხორციელების ადგილი და ვადები:

9.1 ქ. საჩხერეში ქ. საჩხერეში სამუსიკო-სამხატვრო სკოლის დემონტაჟისა და ახლის მშენებლობის სამუშაოების (მეორე ეტაპის), მიწოდების ვადათ განისაზღვრება 2016 წლის 30 ოქტომბერი, (მიმწოდებელმა ამ ვადაში უნდა მოახდინოს ექსპერტიზის დასკვნის წარმოდგენა შესრულებული სამუშაოს ხარისხზე მოცულობასა და შესაბამის ღირებულებაზე).

9.2 სამუშაოების მიწოდების ადგილია ქ. საჩხერე.

10. სამუშაოების პროექტი მიწოდებული იქნება შემსყიდველის მიერ.

11. პრეტენდენტის მიერ სისტემაში ასატვირთი დოკუმენტების ჩამონათვალი.

- 1) ფასების ცხრილი (დანართი#1, #2, #3)
- 2) რეკვიზიტები (დანართი#4)
- 3) სამუშაოების მიწოდების გეგმა-გრაფიკი.
- 4) ინფორმაცია ანალოგიური სამუშაოს გამოცდილების შესახებ (დანართი#5)
- 5) ინფორმაცია შესრულებული სამუშაოს სრულფასოვანი ფუნქციონირების შესახებ (დანართი#6)

12. დამატებითი ინფორმაცია შეგიძლიათ მიიღოთ შემდეგი საკონტაქტო პირებისგან: სატენდერო კომისიის აპარატის წევრი:

გიორგი ცუხიშვილი ტ. 577-628-657

თომა შუკაკიძე 598-230-580

13. სატენდერო დოკუმენტაციის შესახებ დამატებითი ინფორმაციისა და განმარტებების მოთხოვნის საშუალებები და პროცედურა: ტენდერისთვის „გამარტივებული შესყიდვის გამარტივებული ელექტრონული ტენდერისა და ელექტრონული ტენდერის ჩატარების წესის,, მე-2 მუხლის პირველი პუნქტის „კ,, ქვეპუნქტით გათვალისწინებული სტატუსის მინიჭებიდან ამავე პუნქტის „მ,, ქვეპუნქტით გათვალისწინებული სტატუსის მინიჭებამდე არაუგვიანეს 24 საათისა, ნებისმიერ მიმწოდებელს უფლება აქვს სისტემის მოდულის „კითხვა პასუხის,, მეშვეობით მოითხოვოს სატენდერო განცხადებისა და სატენდერო დოკუმენტაციის დაზუსტება.

ხ ე ლ შ ე კ რ უ ლ ე ბ ა №

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავედროულად თანდართული ექნება ხელშეკრულებას, როგორც მისი განუყოფელი ნაწილი

სახელმწიფო შესყიდვის შესახებ

ქ. საჩხერე

_____ 2016 წელი

სსიპ თვითმმართველი ერთეული საჩხერის მუნიციპალიტეტი (მისამართი: ქ. საჩხერე, თავისუფლების ქ. № 4, ტელეფონი 0(435)25377, 5(95)770407, საიდენტიფიკაციო ნომერი 239393811), შემდგომში წოდებული „შემსყიდველად“, წარმოდგენილი საჩხერის მუნიციპალიტეტის გამგებლის მაღსახი ბაზაძის სახით და _____ (მისამართი: _____, ტელეფონი _____, საბანკო რეკვიზიტები: ანგარიშის № _____, _____ ბანკი“, კოდი _____, საიდენტიფიკაციო ნომერი _____), შემდგომში წოდებული „მიმწოდებელად“, წარმოდგენილი _____ სახით, ორივე ერთად წოდებული როგორც „მხარეები“, ემოქმედებთ, რა საქართველოს კანონმდებლობისა და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1. ხელშეკრულებაში გამოყენებული ტერმინების განმარტება

1.1 ამ ხელშეკრულებაში გამოყენებულ ტერმინებს აქვს იგივე მნიშვნელობა, რაც მათ მინიჭებული აქვთ „სახელმწიფო შესყიდვების შესახებ“ საქართველოს კანონისა და შესაბამისი კანონქვემდებარე ნორმატიული აქტების შესაბამისად.

2. ხელშეკრულების საგანი და შესყიდვის ობიექტი

2.1 ხელშეკრულების საგანია საჩხერის მუნიციპალიტეტის ბიუჯეტის სახსრებით მთლიანი ან ნაწილობრივი სამშენებლო სამუშაოების სამუშაოები (CPV 45200000) შესყიდვა გამარტივებული ელექტრონული ტენდერის საშუალებით, წინამდებარე ხელშეკრულებით გათვალისწინებული პირობების შესაბამისად.

2.2 შესყიდვის ობიექტს წარმოადგენს: ქ. საჩხერეში სამუსიკო-სამხატვრო სკოლის დემონტაჟისა და ახლის მშენებლობის სამუშაოების (მეორე ეტაპი) შესყიდვა სატენდერო წინადადებაზე თანდართული პროექტისა და დანართი#1, #2 და #3-ის შესაბამისად.

3. ხელშეკრულების ღირებულება

3.1 ხელშეკრულების ღირებულება შეადგენს _____ ლარს;

3.2 ხელშეკრულების ღირებულება მოიცავს როგორც მომსახურების ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს

3.2 წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. ხარისხი და გარანტია

4.1 შესრულებული სამუშაოების ხარისხი უნდა შეესაბამებოდეს დადგენილ სტანდარტებს და აკმაყოფილებდეს შემსყიდველის მიერ განსაზღვრულ მოთხოვნებს

4.2 შესყიდვის ობიექტის საგარანტიო ვადა განისაზღვრება 5 (ხუთი) წლით.

5 სამუშაოს შესაბამისობა

5.1 ხელშეკრულების მეორე მუხლით გათვალისწინებული შესასყიდი სამუშაოები უნდა შესრულდეს მოქმედი სამშენებლო ნორმებისა და წესების, მსგავსი სამუშაოებისათვის უკვე არსებული სტანდარტებისა და შემსყიდველი ორგანიზაციის მოთხოვნების შესაბამისად

5.2 5.1 პუნქტში აღნიშნული წესებიდან და ნორმებიდან ნებისმიერი გადახვევის შემთხვევაში შემსყიდველი უფლებამოსილია არ მიიღოს სამუშაო ან/და მიმწოდებლის მიმართ გამოიყენოს ამ ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები

6. მხარეების უფლებები და მოვალეობები

6. 1 შემსყიდველს უფლება აქვს:

6.1.1 პერიოდულად შეამოწმოს გაწეული მომსახურების ხარისხის შესაბამისობა ხელშეკრულებით გათვალისწინებულ პირობებთან;

6.1.2 განახორციელოს კონტროლი და ზედამხედველობა მიმწოდებლი მიერ წარმოდგენილი შესასრულებელი სამუშაოების გეგმა- გრაფიკის შესრულებაზე თანახმად მოქმედი სამშენებლო ნორმებისა და წესებისა, რომელთა დარღვევის შემთხვევაში იგი უფლებამოსილია შეწყვიტოს ხელშეკრულება

6.1.3 იმ შემთხვევაში, თუ განსაზღვრული გარემოებების გამო მიმწოდებლის მიერ შესრულებული სამუშაოების ღირებულებამ არ შეადგინა ამ ხელშეკრულებით გათვალისწინებული თანხა, შემსყიდველი აუნაზღაურებს მიმწოდებელს მის მიერ ფაქტობრივად შესრულებული სამუშაოს ღირებულებას ამ ხელშეკრულებით

განსაზღვრული ერთეული ფასების შესაბამისად. აღნიშნულიდან გამომდინარე მიმწოდებელს არ უნდა გააჩნდეს პრეტენზია სამუშაოთა აუთვისებელ მოცულობების შესრულებაზე და მის გადახდაზე.

6.1.4 ხელშეკრულების ფარგლებში ანაზღაურებული იქნება მხოლოდ იმ შესრულებული სამუშაოების, მათ შორის შემსყიდველთან შეთანხმებული შესრულებული გაუთვალისწინებელი სამუშაოების ღირებულება, რომლისმოცულობასა და ხარისხზე არსებობს უშუალოდ შემსყიდველის და საამისისოდ შერჩეული პირის

(საზედამხედველო კომპანია) მიერ დადასტურებული აქტი.

6.1.5 გაუთვალისწინებელი სამუშაოების თანხების ხარჯვა მოხდება აუცილებლობიდან გამომდინარე შემსყიდველთან შეთანხმებით

6.2 შემსყიდველი ვალდებულია:

- 6.2.1 წერილობით აცნობოს მიმწოდებელს სამუშაოს მიწოდებასთან დაკავშირებით გამოვლენილი ხარვეზების შესახებ;
- 6.2.2 უზრუნველყოს სამუშაოების კონტროლი და დადებითი შეფასების შემთხვევაში მისი მიღება;
- 6.2.3 შეუფერხებლად აუნაზღაუროს მიმწოდებელს შესრულებული სამუშაოს ღირებულება ამ ხელშეკრულებით გათვალისწინებული ვადების შესაბამისად
- 6.2.4 ანგარიშსწორება მიმწოდებელთან მოახდინოს ამ ხელშეკრულების მე-9 მუხლის შესაბამისად.
- 6.2.5 იმ შემთხვევაში, თუ მიმწოდებლის მხრიდან - შესრულებულ სამუშაოთა წარმოდგენილი მოცულობები, შემსყიდველის მიერ გადამოწმების შემთხვევაში არ შეესაბამება რეალობას, შემსყიდველი სათანადო აქტის შედგენის შემდეგ არ უნაზღაურებს მას აღნიშნულ სამუშაოთა ღირებულებას და განიხილავს ამ უკანასკნელის პასუხისმგებლობის საკითხს
- 6.2.6 შემსყიდველი და მის მიერ ინსპექტირებისათვის შერჩეული პირი ვალდებულია მიმწოდებელთან ერთად აწარმოოს სამუშაოების შესრულებაზე ხელშეკრულებით გათვალისწინებული ვადების მიმდინარეობის კონტროლი.
- 6.3 მიმწოდებელს უფლება აქვს:
- 6.3.1 მოთხოვოს შემსყიდველს მიწოდებული სამუშაოების ღირებულების ანაზღაურება ამ ხელშეკრულებით გათვალისწინებული პირობების შესაბამისად;
- 6.3.2 მონაწილეობა მიიღოს შემსყიდველის მიერ განხორციელებულ კონტროლის პროცესში.
- 6.4 მიმწოდებელი ვალდებულია:
- 6.4.1 დაიცვას ხელშეკრულებით გათვალისწინებული ყველა პირობა,
- 6.4.2 ხელშეკრულებით გათვალისწინებული სამუშაოები განახორციელოს მხარეთა შორის შეთანხმებული სამუშაოთა წარმოების გეგმა-გრაფიკის შესაბამისად
- 6.4.3 ხელშეკრულებით გათვალისწინებული სამუშაოების შესრულებისას იხელმძღვანელოს წინამდებარე ხელშეკრულების პირობებისა და საქართველოში მოქმედი ყველა სამშენებლო ნორმების, სტანდარტების და წესების მოთხოვნების მიხედვით.
- 6.4.4 განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს არმოჩენილი ხარვეზების გამოსწორება საკუთარი ხარჯებით;
- 6.4.5 ხელშეკრულების მოქმედების პერიოდში იქონიოს მუდმივი კავშირი შემსყიდველ ორგანიზაციასთან
- 6.4.6 სამუშაოების შესრულებაში მონაწილე საინჟინრო ტექნიკური პერსონალი და მუშა მოსამსახურეების შემადგენლობის არანაკლებ 70% დააკომპლექტოს საქართველოს მოქალაქეები
- 6.4.7 გააფრთხილოს შემსყიდველი სამშენებლო სამუშაოების გაწვევის პროცესის შეფერხების შესახებ

7. ხელშეკრულების შესრულების კონტროლი

- 7.1 შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებელის მიერ ნაკისრი ვალდებულების შესრულებაზე, მათ შორის სარემონტო სამუშაოების ხარისხის პერიოდული კონტროლი.
- 7.2 ხელშეკრულების კონტროლს შემსყიდველის მხრიდან განახორციელებს ამ მინხით საჩხერის მუნიციპალიტეტის საკრებულოს 2014 წლის 31 ივლისის №268 განკარგულებით შექმნილი ჯგუფი.

7.3 კონტროლის შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს მიზეზების მითითებით-10-

7.4 გამოვლენილი დეფექტების ან ნაკლის აღმოფხვრასთან და ხელახალ კონტროლთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

8. შესყიდვის ობიექტის მიწოდების ვადები და ადგილი

8.1 ქ. საჩხერეში სამუსიკო-სამხატვრო სკოლის დემონტაჟისა და ახლის მშენებლობის სამუშაოების (მეორე ეტაპი) მიწოდების ვადათ განისაზღვრება 2016 წლის 30 ოქტომბერი.

8.2 სამუშაოების მიწოდების ადგილია ქ. საჩხერე.

9. შესყიდვის ობიექტის მიღება-ჩაბარების წესი

9.2 შესყიდვის ობიექტის მიღება მოხდება ექსპერტიზის დადებითი დასკვნის საფუძველზე, მიღება-ჩაბარების აქტის გაფორმებით, მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, ხელშეკრულების კონტროლის მიზნით შექმნილი ჯგუფის წევრების დადებითი დასკვნის საფუძველზე.

9.2 შესყიდვის ობიექტის მიღებას აწარმოებს შესაბამისი სტრუქტურული ერთეულების და საბიუჯეტო დაწესებულებების უფლებამოსილი პირები.

9.3 საჭიროების შემთხვევაში შემსყიდველი ვალდებულია ოპერატიულად, წერილობითი სახით აცნობოს მიმწოდებელს საბოლოო შემოწმების შედეგები დაწუნებული გაწეული სარემონტო სამუშაოები და წუნდების მიზეზის მითითებით.

10. ანგარიშსწორება

10.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა-ლარი; ბ) ანგარიშსწორების ფორმა-უნაღდო; წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

10.2 შემსყიდველი იღებს ვალდებულებას, გადაუხადოს მიმწოდებელს შესრულებული სამუშაოების ღირებულება შესაბამისი ექსპერტიზის დადებითი დასკვნის წარმოდგენიდან, მიღება-ჩაბარების აქტის გაფორმებიდან და სათანადო საბუთების წარმოდგენიდან 15 სამუშაო დღის განმავლობაში.

10.3 მიმწოდებლის მიერ სათანადო წერილობითი თხოვნის საფუძველზე, შემსყიდველი უფლებამოსილია განახორციელოს შუალედური გადახდები მიმწოდებლის მიერ ფაქტობრივად შესრულებულ სამუშაოებზე, არსებული წესის შესაბამისად წარმოდგენილი დოკუმენტაციის საფუძველზე. შუალედური აქტებით თანხის ჩარიცხვა მოხდება ხელშეკრულების ღირებულების არაუმეტეს 70%-ისა

10.4 დასაბუთებული აუცილებლობის (საჭიროების) შემთხვევაში, მიმწოდებელს შეუძლია შემსყიდველს წარუდგინოს წინასწარ წერილობითი თხოვნა ავანსის გაცემასთან დაკავშირებით

10.5 შემსყიდველის მიერ ავანსის გაცემასთან დაკავშირებით დადებითი გადაწყვეტილების მიღების შემთხვევაში, მიმწოდებელი ვალდებულია წარმოადგინოს გასაცემი ავანსის ოდენობის უპირობო საბანკო გარანტია (საბანკო გარანტია გაცემული უნდა იყოს საბანკო დაწესებულების მიერ), რომელის მოქმედების ვადა 30 კალენდარული დღით უნდა არემატებოდეს სამუშაოების დასრულების თარიღს.

10.6 მიმწოდებელზე გასაცემი საავანსო თანხა განისაზღვრება ხელშეკრულების ღირებულების არაუმეტეს 10%-ის ოდენობით.

11. ხელშეკრულების შესრულების უზრუნველყოფის გარანტია

11.1 ხელშეკრულების შესრულების უზრუნველყოფის მიზნით მიმწოდებელმა შემსყიდველს უნდა წარუდგინოს უპირობო საბანკო გარანტია (საბანკო გარანტია გაცემული უნდა იყოს საბანკო დაწესებულების მიერ). საგარანტიო თანხის ოდენობა განისაზღვრება ხელშეკრულების ჯამური ღირებულების -----% -ის ოდენობით რომლის მოქმედების ვადა 30 კალენდარული დღით უნდა აღემატებოდეს ხელშეკრულების მოქმედების ვადას. გარანტია უნდა იყოს უპირობო და შემსყიდველს უნდა აძლევდეს უფლებას გარანტიის გამცემი დაწესებულებისაგან პირველი მოთხოვნისთავავე მიიღოს შესაბამისი თანხა.

11.2 ხელშეკრულების უზრუნველყოფის მიზნით, მიმწოდებლის მიერ წარმოდგენილი უპირობო საბანკო გარანტია გამოიყენება ნებისმიერი ზიანის ანაზღაურების მიზნით, რომელიც მიადგება შემსყიდველს მიმწოდებლის მიერ ხელშეკრულების პირობების შეუსრულებლობის ან არაჯეროვნად შესრულების გამო, აგრეთვე შემსყიდველის მიერ პირგასამტეხლოს გამოყენების შემთხვევაში.

11.3 მიმწოდებლის მიერ ხელშეკრულების შეუსრულებლობის ან არაჯეროვნად შესრულების შემთხვევაში, შემსყიდველისათვის მიყენებული ზიანის ანაზღაურება ხორციელდება მიმწოდებლის მიერ წარმოდგენილი გარანტიის ფარგლებში, შემსყიდველისათვის მიყენებული ზიანის ოდენობის გათვალისწინებით.

11.4 მიმწოდებლის მიერ ხელშეკრულების შეწყვეტის შემთხვევაში შემსყიდველი იყენებს გარანტიას მისთვის ხელშეკრულების შეწყვეტის შედეგად მიყენებული ზიანის ფარგლებში.

12. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომლის გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების ცვლილებების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით, ხელშეკრულების მე-14 მუხლის შესაბამისად.

13. მხარეების პასუხისმგებლობა ხელშეკრულების დარღვევისას

13.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

13.2 თუ ხელშეკრულების, რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებებს, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა ვალდებულების შესრულებისათვის მის მიერ დამატებითი განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე შეუძლებელია გამოყენებული იქნეს დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

13.3 ხელშეკრულებიდან გასვლისას მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

13.4 ხელშეკრულებიდან გასვლასთან და ზიანის ანაზღაურებასთან დაკავშირებით გამოიყენება საქართველოს სამოქალაქო კოდექსი.

13.5 მხარეს ამ ხელშეკრულებით გათვალისწინებული ვალდებულებების შეუსრულებლობის ყოველი ფაქტის გამო მეორე მხარის სასარგებლოდ დაეკისრება პირგასამტეხლო შეუსრულებელი ვალდებულების 0.1 პროცენტის ოდენობით. იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

14. ხელშეკრულებაში ცვლილებების შეტანა

14.1 ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლის ხელმოწერით.

14.2 თუ რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

15. დავები და მათი გადაწყვეტის წესი

15.1 ხელშეკრულების შესრულებისას მხარეებს შორის წარმოქმნილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე, რაც უნდა გაფორმდეს წერილობით.

15.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

16. ხელშეკრულების შეწყვეტა

16.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში. აღნიშნულის თაობაზე მეორე მხარეს უნდა ეცნობოს წერილობით 10 დღით ადრე.

16.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

16.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე. შეთანხმებლობის შემთხვევაში მხარეებს უფლება აქვთ გამოიყენონ ხელშეკრულების ცალმხრივად (წერილობითი ფორმით) შეწყვეტის შესაძლებლობა.

16.4 შემსყიდველი უფლებამოსილია ვადაძლე ცალმხრივად შეწყვიტოს ამ ხელშეკრულების მოქმედება, თუ:

ა) მიმწოდებელი არღვევს ამ ხელშეკრულების პირობებს (არ ასრულებს ან არაჯეროვნად ასრულებს)

ბ) მიმწოდებლის მიმართ მიმდინარეობს გაკოტრების საქმე. (მიუხედავად მისი დაწყების დროისა);

გ) მიმწოდებლის ქონებას დაედო ყადაღა;

17. ხელშეკრულების მოქმედების ვადა

წინამდებარე ხელშეკრულება ძალაში შედის ამ დოკუმენტის თავში მითითებული თარიღიდან და მოქმედებს მხარეთა მიერ ხელშეკრულებით ნაკისრი ვალდებულებების საბოლოო შესრულებამდე.

18 ფორს-მაჟორი

18.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

18.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომასა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

18.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

19. სხვა პირობები

19.1 მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

19.2 არც ერთ მხარეს არ აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.

19.3 მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

19.4 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა, სამი ეგზემპლარი ინახება შემსყიდველთან, ხოლო ერთი ეგზემპლარი – მიმწოდებელთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

19.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილი მხარეთა მიერ.

შემსყიდველი:

სსიპ თვითმმართველი ერთეული საჩხერის

მუნიციპალიტეტი

მისამართი: ქ. საჩხერე თავისუფლების ქ. №4

ს/კ 239393811

მიმწოდებელი:

მალხაზი ბაზაძე

რეკვიზიტები

- 1) ორგანიზაციული სამართლებრივი
ფორმა და დასახელება _____
- 2) ხელმძღვანელობაზე/წარმომადგენლობაზე
უფლებამოსილი პირის სახელი და გვარი _____
- 3) იურიდიული და ფაქტიური მისამართი _____
- 4) საბანკო რეკვიზიტები
ბანკის დასახელება და კოდი _____
- 5) საიდენტიფიკაციო კოდი _____
- 6) ანგარიშსწორების ანგარიში _____
- 7) საკონტაქტო ინფორმაცია: ტელეფონი, ელექტრონული ფოსტა _____

პრეტენდენტის დასახელება ხელმოწერა და ბეჭედი _____

პრეტენდენტს 2012 წლის 1 იანვრიდან ტენდერის გამოცხადების თარიღამდე, ჯამურად შესრულებული უნდა ჰქონდეს არანაკლებ შესყიდვის საგარაუდო ღირებულების ანალოგიური სამშენებლო სამუშაოები, რომელიც წარმოდგენილი უნდა იქნეს შემდეგი ცხრილის სახით, ტექნიკურ დოკუმენტაციასთან ერთად

პრეტენდენტის დასახელება-----

#	სამუშაოს დასახელება	შემსყიდველის დასახელება	ხელშეკრულების ღირებულება	ფაქტიურად შესრულებული სამუშაოს ღირებულება	ხელშეკრულების გაფორმების თარიღი
1					
2					
3					

(პრეტენდენტის ხელმოწერა)

ინფორმაცია შესრულებული სამუშაოების სრულფასოვანი ფუნქციონირების შესახებ

შესრულებული სამუშაოს სრულფასოვანი ფუნქციონირების საგარანტიო ვადით განისაზღვრება 5 (ხუთი) წელი, ჩემი ტენდერში გამარჯვების შემთხვევაში ვიღებ ვალდებულებას საკუთარი ხარჯებით ვუზრუნველყო ექსპლოატაციის პროცესში წარმოქმნილი ხარვეზების აღმოფხვრა. აღნიშნული არ გულისხმობს საანგარიშო პერიოდში დაზიანების აღდგენას, თუ დაზიანება გამოწვეული იქნება დაუძლეველი ძალის ზეგავლენით.

პრეტენდენტის დასახელება_____

პრეტენდენტის ხელმოწერა_____